

SPKD „Prosvjeta”

Sarajevo



СПКД „Просвјета“

Сарајево

Saopštenje za javnost

SPKD "Prosvjeta" Sarajevo sa žaljenjem obavještava javnost da je prije nekoliko noći, od strane nepoznatih lica, oštećen ulaz u zgradu Društva, prilikom kojeg su ciljano uništene ploče na kojima je na oba zvanična pisma u Bosni i Hercegovini bilo ispisano ime našeg Društva - Srpsko prosvjetno i kulturno društvo "Prosvjeta" Sarajevo, te naziv Prosvjetine biblioteke.

Napominjemo da je sama zgrada, koja je izgrađena 1912. godine, nacionalni spomenik Bosne i Hercegovine, te da je nedavno obnovljena i otvorena biblioteka jedna od najstarijih javnih biblioteka u Sarajevu i Bosni i Hercegovini, koja je kroz prošlost služila svim stanovnicima Sarajeva i BiH, te bila mjesto susreta, prosvjećivanja i promocije kulture.

Iskreno se nadamo da će nadležne institucije pronaći i kazniti izvršioca ili izvršioce, posebno ako imamo u vidu da se Prosvjetin dom, kao jedno od najreprezentativnijih zdanja grada Sarajeva, nalazi u samoj centralnoj gradskoj jezgri, te smatramo da je jedno ovakvo antivcivilizacijsko djelo, ustvari čin neodgovornih pojedinaca. SPKD "Prosvjeta" i u teškim vremenima devedesetih godina prošlog vijeka je nastavljala svoj rad u Sarajevu, bez bojazni i zadržke, kao što to činimo i danas.

Istovremeno, SPKD "Prosvjeta" ostaje opredjeljena svom cilju i dalje, a to je očuvanje baštine i tradicije, čuvanje i promocija srpskog jezika, kulture i ćirilicnog pisma, što je i neodvojivo dio istorije, baštine i kulture Bosne i Hercegovine i svih njenih naroda, i da ćemo i dalje nastaviti raditi u bliskoj saradnji i prijateljstvu sa ostalim temeljnim organizacijama kulture naroda Bosne i Hercegovine, u onom duhu saradnje i zajedničkog rada koji nas vodi već 120 godina.

Ovo saopštenje, uz SPKD "Prosvjeta", podržavaju i supotpisuju predsjednici društava koje čine Međukulturno vijeće BiH - BZK "Preporod", HKD "Napredak" i JHKPD "La Benevolencija".

Predsjednik SPKD "Prosvjeta" Sarajevo

Nedeljko Masleša

BZK "Preporod" – dr Sanjin Kodrić

HKD "Napredak" – dr Nikola Čiča

JHKPD "La Benevolencija" – Vladimir Andrlje

